

01 阿公變魔術

周世雄

佇我細漢猶未讀小學的時，有一段時間搬轉去佻阿公蹠做伙。阿公逐工透早著愛飼豬，所以我耳空邊若聽著一陣一陣豬仔鼾鼾叫的聲，彼就是準時叫我起床的亂鐘仔聲。

猶會記得佇阿公的豬牢邊，有一片園仔，花草佻果子種甲滿滿是。彼時感覺阿公若親像魔術師仝款，毋管啥物樹欖佇伊的手內，攞會開真嬌的花蕊、生誠芳甜的果子。我見擺若綴阿公入去巡園仔的時，足愛刁故意目睷瞞瞞，那行那用鼻空去臆我這馬倚佇佻一樣樹仔跤，因為滿園的芳味早就深深印佇我的頭殼內。若是拄著假日，規片園仔就變做阮這陣乖孫天然的遊樂園兼果子店。要到佻位，挽到佻位，挽甲雙手捧袂離，閣食甲喙瀾涵涵滴。

我印象上深的一擺，就是看阿公共米甕掀開，沓沓仔對內底挈一粒釋迦出來欲予我食。彼時我看甲目睷攞無瞞，想講阿公底當時遐勢變魔術？當當我行倚去看的時，才發覺甕仔內有幾若粒釋迦予白米炭牢咧，而且規个甕仔攞充滿釋迦的芳味。阿公共我講：「猶未 sik 的釋迦著愛隱佇米甕內，按呢才袂啞口啦！」我聽了隨應講：「釋迦生本就袂曉講話，啞口是正常的啦！」後來阿公才笑哈哈共我解說：

「啞口佇遮的意思是咧講果子隱無 sik，袂食得啦！」

若到暗時，阿公見擺淋酒淋甲馬西馬西的時，伊就足愛變魔術予阮這陣乖孫的看。尤其阮上愛看的魔術是阿公會共手面倚佇耳空邊，目睷放瞞瞞，喙裡唸阮毋捌聽過的咒語。最後共阮這陣目睷展甲大大蕊的乖孫講，拄才伊有請聖誕老阿伯搯一寡仔銀角仔來送予伊的乖孫。錢伊已經偷偷仔囤佇窗仔溝，叫阮緊去挈。阮聽了，就欲信若毋信從去窗仔邊，結果真正有一疊銀角仔囤佇遐，逐家分甲笑微微。

大漢了後，雖然知影阿公變的攞毋是真正的魔術，毋過伊雙手所變出來滿園的芳甜佻規厝間的笑聲，是我心目中上有意義的魔術。

02 膨鼠著生驚

柯淑慧

我是蹣佇都市校園裡的膨鼠，我身軀頂的毛是草橄欖色的，腹肚的毛是豬肝色的，上趣味的是我的尾溜長長仔閣膨獅獅，親像一支牛奶研鑢仔。我會用前跔共食物提咧，兩齒大大齒的屎枯齒嚙咧嚙咧，這款古錐閣伶俐的模樣，真正是人看人恰意。

其實罕得有人知影我蹣佇校園裡，因為我的岫作佇一樣上懸、上粗勇的樹仔頂，樹仔發甲真茂，所以無人會注意著。我三不五時會倚踎上倚教室的樹極看學生因仔上課，有當時仔我嘛綴咧聽甲耳仔覆覆覆。有時陣我會趁教室無人的時出來行跔花，若拄著主任來巡課就愛趕緊走去覘，若無，予攪著就害矣。

彼工學生因仔去上體育課，規間教室無看見人影，我就對樹仔頂跳落來，想欲入去教室揣看有啥物通食無。無偌久遠遠就看著一个穿甲嬌嬌閣踏懸屐仔的主任行對我遮來，我心內想講：「阿娘喂，緊旋！」我趕緊從對樓梯間去，想欲跔起去厝尾頂，啥人知影厝尾頂的門煞關牢咧，我只好覘佇樓梯頭眊看主任走矣未？想袂到主任的目睷有夠利，伊影著我閣大聲喝：「是膨鼠呢！」

主任跔跔手勾勾仔一坎一坎跔起來厝尾頂，伊進一

步，我就退一步，退到無路，就按呢定佇壁角毋敢振動，主任就提手機仔共我翕幾若張相片。主任愈行愈倚，我就愈掣，這聲進無步、退無路閣驚予伊掠去，只好跔步撫好勢，按算隨時欲衝出去。

我恰主任兩個人四蕊目調金金相，我跔步一下徙，主任煞青磅白磅大聲吱，我嘛去予伊驚甲強欲滲尿，就佇樓梯間烏白從，先拚著一大片玻璃門，越頭想欲走對另外一爿，「pǒng」一聲，閣拚對另外一片玻璃門去。就按呢我佇兩爿的玻璃門中央從來從去，拚甲烏暗眩。落尾主任驚甲面仔青恂恂，我就趁伊猶閣愣愣的時趕緊闊港。

一、兩、三、四，驚著無代誌！我三步做兩步從轉去岫裡覘，心肝頭猶咧吶嘆，真正是好佳哉！想想咧，雖然今仔日去予主任驚一下半小死，毋過蹣佇校園享受這款冒險，嘛是真趣味的生活。

四年級

114年全國語文競賽-臺灣台語朗讀文章